



Broj: 0101-7618-7/18

Sarajevo, 08.02.2019. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Kompjuterske opreme, na preporuku Komisije za javnu nabavku broj: 0101-7618-6/18 od 23.01.2019. godine, rektor je d o n i o:

### **ODLUKU**

#### **o izboru najpovoljnijeg ponuđača i dodjeli ugovora**

#### **Član 1.**

Prihvata se preporuka Komisije za javnu nabavku broj: 0101-7618-6/18 od 23. 01. 2019. godine i ugovor o javnoj nabavci robe – nabavka Kompjuterske opreme, dodjeljuje ponuđaču Odavić d.o.o. Vojvode Sindelića 54, 89101 Trebinje, čija ukupna cijena ponude iznosi 41.250,00 KM (slovima: četrdesetjedadviestotoinpedeset 00/100) što sa uračunatim PDV-om iznosi 48.263,11KM (slovima: četrdesetosamhiljadadvijestotinesezdesettri KM 11/100).

#### **Član 2.**

Izabrani ponuđač je dužan u roku od **3 (tri) dana** od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo dostaviti originale ili ovjerene kopije dokaza traženih tačkom 13.1. Poziva za dostavu ponude br. 0101-7618-3/18 od 28.12.2018.godine, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

#### **Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka javne nabavke broj: 0101-7618-3/18 od 27.12.2018. godine, Univerzitet u Sarajevu je pokrenuo postupak javne nabavke robe – nabavka Kompjuterske opreme.

Za provođenje postupka predmetne javne nabavke, Odlukom broj: 0101-7618-2/18 od 27.12. 2018. godine, imenovana je Komisija za javnu nabavku u sastavu: Sanel Sefer, predsjedavajući, Jasmina Bajramović, član, Elma Dervišević, član, a za zamjenske članove su imenovani: Alvin Huseinović, Bojan Crnogorac i Mersida Karačić.

Obavještenje o nabavci broj: 999-1-1-185-3-68/18 objavljeno je na Portalu javnih nabavki dana 28. 12. 2018. godine i Službenom glasniku BiH br.11 od 11.01.2019.godine.

Slijedeći ponuđači preuzeli su tendersku dokumentaciju: BBS Europe, Ekapija d.o.o., Aspo rail d.o.o., Protim d.o.o. Sarajevo, Comtrade distributiom d.o.o., Robert's Plus d.o.o., Asbis d.o.o. ERC Zipo d.o.o. Sarajevo, Mibo Komunikacije, Lanaco d.o.o. TR Network, QSS d.o.o., Time Code d.o.o. Sarajevo, Elur d.o.o. Kiseljak, Rebus d.o.o., Doper tech, Facit d.o.o., Fixit d.o.o., MPS d.o.o., Digitarija d.o.o., Network I d.o.o., HD Computers, Odavić d.o.o.

Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, nije bilo pitanja upućenih Ugovornom organu putem sistema e-nabavke.

Komisija za javnu nabavku je dana 18.01.2019. godine u 10,15 sati izvršila javno otvaranje blagovremeno prispjelih ponuda ponuđača Network I d.o.o., Potporučnika Smajića 26, 76300 Bijeljina i Odavić d.o.o. Vojvode Sindelića 54, 89101 Trebinje. Na javnom otvaranju ponuda nije bilo prisutnih osoba ispred ponuđača. Komisija za javnu nabavku se sastala dana 23. 01. 2019. godine, radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Komisija je utvrdila sljedeće: ponuđač Network I d.o.o., Potporučnika Smajića 26 76300 Bijeljina nije ponudio traženu opremu iz obrasca za cijenu ponude (PRILOG II) i to: **Stavka 3 - laptop1** ( Dodatno uz svaki od ovih laptopa: Type c to lan adapter); **Stavka 5 - laptop 3** (Ponudjeni laptop nema numericki dio tastature, što je u TD traženo). **Stavka 15** (HDD docking station nije naveden M.2 to SATA adapter, koji tražen u TD). **Stavka 16** - (Usisivač pogodan za čišćenje računarske opreme iz priložene dokumentacije ne vidi se jasno da je usisivač namijenjen čišćenju opreme, uključujući tonere i prašinu (deklarisano u dokumentaciji od strane proizvođača). Ponuđač u priloženoj specifikaciji nije naveo da isporučuje usisivač sa traženim karakteristikama).**Stavka 20** (HDMI to DisplayPort adapter, Ponuđač je naveo da namjerava isporučiti DisplayPort to HDMI adapter, što je obrnuto od traženog). **Stavka 25** (Tablet 4 ponuđač nije specificirao da će isporučiti olovku i futrolu od istog proizvođača, tražene u TD. Prema isporučenoj specifikaciji, težina uređaja je iznad 650 grama, u TD je traženo ispod 650 grama. Ponudjeni uređaj radi sa bluetooth 4,2 - u TD je tražen bluetooth 5.0.)

Obzirom na navedeno, Komisija je odlučila da se ponuđač Network I d.o.o., Potporučnika Smajića 26 76300 Bijeljina isključuje iz daljeg postupka nabavke. E-aukcija koje je predviđena u ovom postupku javne nabavke se neće održati jer su ponude dostavili ukupno dva ponuđača, a obzirom da je jedan od ponuđača isključen održavanje e-aukcije nije moguće.

Nakon izvršene računске kontrole prihvatljivih ponuda, Komisija je utvrdila da je u ponudi ponuđača Odavić d.o.o. bila jedna računska greška i to: u Obrascu za cijenu ponude-stavka broj: 4, prilikom ispunjavanja Obrasca za cijenu, napravljena računska greška, s obzirom da ukupna cijena stavke u iznosu od 5.078,70 KM bez PDV-a nije izračunata kao proizvod količine stavke (2 kom) i jedinične cijene stavke (1692,90 KM bez PDV-a), što je na kraju uticalo i na ukupnu cijenu ponude. Komisija je uputila ponuđaču Odavić d.o.o. zahtjev za ispravku računске greške 18.01.2019. godine. Ponuđač je na službenom memorandumu potvrdio ispravnost ispravke i dao saglasnost na ispravku.

Obzirom na navedeno Komisija za javnu nabavku je sačinila rangiranje prihvatljivih ponuda prema kriterijumu najniža cijena:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Odavić d.o.o. Vojvode Sindelića 54 89101 Trebinje	0,00 KM	41.250,00KM bez PDV-a 0% Popust PDV=7.012,59 KM 48.263,11 KM sa PDV-om

Kao što je navedeno u Tenderskoj dokumentaciji i Obavještenju o nabavci broj: 999-1-1-185-3-68/18 za predmetnu nabavku predviđeno je provođenje e-aukcije kroz sistem e-nabavke. Ista se neće održati iz razloga što je ponuđač Network I d.o.o. isključen iz daljeg postupka nabavke, te održavanje e-aukcije nije moguće.

Komisija za javnu nabavku je dala preporuku da se donese odluka o izboru i dodijeli ugovor o javnoj nabavci robe – **Kompjuterska oprema**, ponuđaču Odavić d.o.o.. Trebinje, Vojvode Sindelića 54, 71000 Sarajevo, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od 41.250,00 KM bez PDV-a (slovima: četrdesetjednahiljadadvijestotinepedeset KM i 00/100), što sa uračunatim PDV-om iznosi 48.263,11 KM (slovima: četrdesetosamhiljadadvijestotinesezdesetri KM i 11/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LJJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

#### **Dostaviti:**

1. Odavić d.o.o., Vojvode Sindelića 54 89101 Trebinje
2. Network I d.o.o. Potporučnika Smajića 26, 76300 Bijeljina
3. Služba za računovodstvo i finansije
4. U dosje javnih nabavki
5. Web stranica UNSA
6. a/a

**Prilog:** Zapisnik o pregledu i ocjeni ponuda